

درسعادته یکی پوسته خانه قارشوسنده
دائرة مخصوصه در

محل اواره :

مشارقه

دین، فلسفه، ادبیات، حقوق و علوم دین باحث هفته لق رساله در

مسکونه موافق آثار جدید مع المنوبه قبول اولنور
درج ایدیلمین آثار اعاده اولنور

امطار :

مؤسسلری : ابوالعلا زین العابدین - ح. اشرف ادیب

تاریخ تأسیسی :
۱۱ نموز ۳۲۴

درسعادته نسخه سی ۵۰ باره در

قیریلده دن مقوا بورو ایله کوندریلیرسه سنوی
۲۰ غروش فضله آلنیر.

درسعادته پوسته ایله کوندریلیرسه ولایات بدلی اخذ اولنور.

سنه لکی	القایلی	درسعادته
۳۵	۶۵	ولایاتده
۵۰	۹۰	ممالک اجنبیه ده
۵۵	۱۰۰	غروشدر.

عدد : ۸

۳۲۶ رمضان ۱۹ پنجشنبه تشرین اول ۲ ۳۲۴

برنجی سنه

مستحقانه تأدیه ایلیک . امانتله خیانت ایتیک . نصل که آیت اخراده تصریح وار : [یا ایها الذین امنوا لا تخونوا الله والرسول] امانته خیانت ایتیک ، الله ورسوله خیانت ایتیکدر .

« امانت » فی الاصل مصدر در . فقط بوراده اسم اوله رق ایراد بیورلمشدر ، « مؤتمن به » معنائه ، بوکابنه جمع صیغه سیله وارد اولمش . مصدر لر جمعلمز ، فقط اسم قیلنجه اسمیتنه رعایه جمعلمز . ایشه نه قدر سزه امنیت ایدیش ، تسلیم ایدیش ، ذمکنزه ایداع ایدیش وظائفله وارسه جمله سنی حسن استعمال ایدک .

فخر رازی دیور : بوامان الله اوج قسمه تقسیم اولنور . امانه الله رعایت ایتیکه و جوبنه دائر برچوق احادیث ، برچوق آیات قرآنیله وار ، از جمله [انا عرضنا الامانة على السموات والارض] ، [والذین هم لاماناتهم وعهدهم راعون] مؤمنلر اول کیمسه لر در که هر برامانلری ، عهدلری حسن رعایتله ، شرائطنه مراعاتله ایفا ایدرلر .

امانت اوج قسمه تقسیم اولنور : بر قسمی قول ایله ربی بیننده ، بر قسمی هر قولک عباد الله قارشی بورجلری ، وظائفی .. بر قسمی ده هر کسک کندی نفسنه قارشی اولان وظائفی . بونلرک جمله سنی امانته داخلدر . شمدی جناب حقه قارشی وظائفمز نه در ؟ . الله ایله قول بیننده اولان امانتله ری تعداد وتفصیل قابل دکل . اول درجه واسع در . نه قدر مأموربه اولان شیلر وارسه جمله سنی ایفا ایتیک ، منهی عنهلری ترک ایتیک ... هپسی بو قسمده داخلدر . آبدستدن طوت ، اوروچ ، حج ، زکات ... هپسی امانه الله در . آبدسته ، غسله دقت ایتیک ، دائماً پاک اوله رق کزیمک ، مؤمنک برنجی وظیفه سی در . اوروچ امانت در و برسر در قول ایله الله بیننده . هرکسه قارشی خلاقی ده کوستریلیر ، ریا کارلق ده ایدر قول . فقط الله عالم السر والخطایادر .

بتون اعضا وجوارح امانه الله در ، هپسی حسن استعمال ایله مأمورز . کوزمزله حلال اولان شیلره باقه جغز . نظر استحقار ایله فقرایه باقیه جغز . قولانغزله حرام شیلری دیکله میه جکز ، مشروع اولمایان شیلره ، قولاق آسمایه جغز . لسانغزله طوغروی سولیله جکز . کذبیدن لسانغزی محافظه ایده جکز . حتی مالایعنی دن ، لزومسنز شیلردن چکنه جکز . چونکه مالایعنی به لسانی آلیشدیرمق فناشی .

[وهل یکب الناس فی النار علی مناخرهم الا حصائد السنتهم] اکثر ناسک برولری اوزرینه نار جحیمه دوشمسی ، عذاب قیلنسی ، حصائد السنه سبیلله در . یعنی لسانیه کسب ایلدیکی سیئات بویله باعث دخول نار اولور . انسان لسانی محافظه یه اعتنا ایتلی . چونکه صوکر دنیاده ده ، آخرتده ده موجب فلاکتی اولور .

« امانه اه » بتون تکالیف الهیهی ، جمله سنی جامع اولدقدن صوکر نه یده شمولی قطعی در ؟ عباد الله قارشی وظائفله . مثلاً و دیعه لر رد ایتیک ، برامانت ، برودیعه بولنورسه صاحبی ایستینجه کندیسنه ، وفات ایتیش اولورسه وارثلرینه تسلیم ایتیک لازمدر .

فخر رازی تفسیر ایدیور تفسیر کیرنده : ودایی رد ایتیک ،

صورته چویرمک کیمسه نک دست اقتدارنده دکلدر .

یک اعلا امترک احوال اقتصادی لرینی استنبان صورته اداره ایتیک قولای دکلسه یا اولنرک حالت اجتماعی لرینی ، حالت اخلاقیه لرینی اداره ایتیک نه قدر ده کوج اولمق ایجاب ایدر ؟ بونکله برابر اگر بو حالت اقتصادی مؤثرات ارشادک ، اصلاحک تأثیریه قابل تبدل دکلسه یا نه دن بو عالم متمدنه علمای اقتصاددن مرکب بویله برجم غفیر میدانه چقیور ، نه دن بو جماعتک منسوب اولدقلری اقوام بونلرک مباحث علمیه لرینی صوصامش بر آدمک صویه کوستردیکی اشتیاقی اگدیرر بر شوق ایله تلقی ایدیور ؟ اگر اوروپا لیره امتثال بزم ایچون مطلقاً لازم ایه نه دن بزه او اقتصاد یون کی خلقی اشکال معیشتک الک موافقنه ، الک سالنه ، الک کوزنه سوق ایتیک طرفنه یا ناشیمه لم ده اولنر فسادات اجتماعی نک الک دنیسیله عمل ایتلرینی توصیه ایده لم ؟

مترجمی : محمد عاکف

مُعْظَا

مقرر :
مناسقل اسماعیل حق افندی

محرری :
سپروزی ح . اشرف ادیب

درس ۴۸ : ۱ اغستوس ۳۲۴

اعوذ بالله من الشیطان الرجیم . بسم الله الرحمن الرحیم

[إِنَّ اللَّهَ يَأْمُرُكُمْ أَنْ تُؤَدُّوا الْأَمَانَاتِ إِلَىٰ أَهْلِهَا وَإِذَا حَكَمْتُمْ بَيْنَ النَّاسِ أَنْ تَحْكُمُوا بِالْعَدْلِ إِنَّ اللَّهَ نِعِمَّا يَعِظُكُمْ بِهِ إِنَّ اللَّهَ كَانَ سَمِيعًا بَصِيرًا] صدق الله العظيم .

[ان الله] علی التحقیق الله تعالی ...

(الله) اسم شریفی ، اعظم اسماء الهیه در . اسم اعظم اولسنه جمله علمانک اجاعی وار . چونکه هم صفات علیه جلالیه وقهریه ، هم صفات جلیله جالیله واکرامیه ... جمله سنی مستجمع اولان ذات واجب تعالی حضرت لرینه علم خاص در . « الله » اسم شریفی ذات الوهیتیه موضوع . اسم خاص اولدینی ایچون هم صفات جلالیه یی ، هم صفات جالیله یی مستجمع در . دیکرلری ایه یالکز برصفته دلالت ایتیکده در . بوراده ده زیاده اعتنا ایله ، یک زیاده تأکید ایله افاده واشعار ایچون « الله » اسم شریفی ذکر قیلنمش در .

[ان الله] علی التحقیق الله جل جلاله [یا مرمکم] سزک جمله کزه

امر وفرمان بیورور ...

امری خبر صورته بزه افاده بیورمسی ده آریجه برتأکیددر بلاغجه . « شویله یاکز ! » دیمور ، « الله سزه امر ایدیور ، بیوریور ، رب ذوالجلالکز ، الوهیتیه مفرد معبود بی مثالکز سزک جمله کزه امر وفرمان بیوریور . » نه بی ؟ ایکی شیئی . نه قدر احکام سبحانیله وارسه هپسی بونده داخل در .

اولا : [ان تؤدوا الامانات الی اهلها] هر براماتی اهلنه ، صاحبنه ،

صوکر ترازی قولالانلر ایجه طارتمق ... بوکا دائرده بک چوق و صپایای شرعیه وار . [ویل للمطففین الذین اذا اکتالوا علی الناس یستوفون و اذا کالوهم او وزنوهم یخسرون] ویل وهلاک ، عذاب شدید اول کیسه لره در که تطفیف ایدرلر ، ناسک حقوقی ابطال ایدرلر ، فضله آلمغه چالیشیرلر ، ویره جکلری وقت نقصان و بررلر . اولچکلری ، قنطارلری ، ترازیلری فنا قولالانلرلر . نه قدر دهشتلی آیت در بو . بر کیسه نک حقنی ذره مقداری تنقیص ایدنلر بوسبیله هلاک ابدی به محکوم اولیورلر ... نه قدر بیوک عبرتدر بو . خلقک حقوقی بالکلیه غصب ایدنلر ، طاقیله یوتانلر ، غصب امواله ، درلو درلو ارتکاب و ارتشایه جرأت ایدنلر ... بونلرک عذابی نه اولور صوکر ؟ بر قاج درهم اکسیلتن کیسه عذاب الهی به مستحق اولور . یا طاقیله ابطال حقوق ایدنلر ، واسطه اولانلر نه حاله دوچار اولورلر ؟

طفیف ، صغیر دیمک . یعنی آذربشی نقصان ایتک . چونکه بونده الداتمق وار . انسان برشی ویرسه ، ضایع اولسه ، تلف اولسه او قدر مستحق لوم و تکدیر اولماز . اما قصداً حیلله باز قله آلداتیلیرسه ، گندیسنه آواناق صفتیله باقه جق ، انسان بوکا بک متأثر اولور . اونک ایچسون ، جزاسی بیوکر . اونک عقلی ده ، ذهنی ده پریشان ایدلش اولور . انسانک مزیتی عقل و ادراکی در . بوکا قصور اسناد ایدیلیرسه نصل محزون اولماز انسان ؟ قلبی قیریلیر . صوکر انسانی انسان یرینه قوبایانلر ، حیوان یرینه طوتانلر ، حق یدنده ایکن آغلا تانلر ، شرف انسانیق پایمال ایدنلر ... نه ایمان ظالم عد اولورلر . بو آیت کریمه نک اشارتندن نلر آکلاشیلیر . [اذا اکتالوا علی الناس یستوفون] کندیلری ایچون برشی آله جفی وقت هیچ بر نقصان قبول ایتزلر . قابل اولسه بر پاره بی ده آلیرلر . بر درهم ، بر پاره اکسیکه راضی اولمایورلر . [و اذا کالوهم او وزنوهم یخسرون] خلقه ویره جکلری وقت بکیل ایله ، وزن ایله ، هر نه ایله اولورسه اولسون - اخسار ایدرلر ، تنقیص ایدرلر ، حقلرینی تماماً ویرمیورلر . نه قدر جسارتدر ، حقوق الهی تغییر ایتک نه بیوک جرأتدر . [الا یظن اولئک انهم مبعوثون لیوم عظیم] بوشاشقین حریفلر هیچ دوشونمزلر ، هایدی تیقن ایتزلر ، لکن ظنلری ده می بوق ؟ اللهک بیوک کونلری وار ، وقتک حلوننده بعث اولنه جقلر . یاقه لری دعوا جیلرک انه کچه جک . ذلت و حقارتله مقهور اوله جقلر . اوکا هیچ می احتمال ویرمیورلر ؟ بونلره سوبله : جناب حقک غضبی بیوکر . عقاب و عذابی شدیددر . بونک ایلرینه وار انلرک حاللری نه اولور ؟ شریعت نظریده مستحق توینج ، دوچار عذاب اوله جقلرنده شبه می وار ؟ بویله قیاس ایتشلر . اونک ایچون هر کس حقنی دعوی ایتکه الله مساعده ایتش . ظالمه قارشى بویون اکک ! « دمیور . بلکه حقنی آلمغه صلاحیت ویرمش . هر کس حقوقنی طلب ایتک لازمدر . آز چوق هر نه ایسه معقول ، مشروع برطرز ایله ، محکمه به مراجعتله می اولور ، یا خود باشقه طریقله می اولور ... هر هانکی طریق قاعده عدالتله ده موافق اولورسه او یولده حرکت امر ایدر . سوره شوراده بیان بیورمش ، اوقیورسکزی :

[والذین استجابوا لربهم و اقاموا الصلوة و امرهم شوری بینهم و عمارز قناعم ینفقون . والذین اذا اصابهم البئی هم ینتصرون] جناب حق مدح و ثنا ایدیلور او قوللرینی که اللهک دعوتنه اجابت ایدرلر ، بش وقت نمازی قیلارلر ، ایشلرینی مشورتله کورورلر . ینلرنده شورا بولنور . حقوق عباد اوته کنک ، بریکینک ید استبدادینه بر اقیلاز . دنیا به عائد بتون ایشلری ، کرک معاملاته ، کرک اجرا آتیه دأثر هر ایشلری ینلرنده کی شورادن عبارت . کویا که مجلس شورا عین مصالح عباددر . او قدر صلاحیت ویرر . مصالحی عین شوری قلییور . بودرجه اهمیت ویرمیور . (و مشاورهم فی الامر) نظم شریفنده ناس ایله مشاوره بی فرمان بیورمش : مقام تفسیرده وارد اولان بر حدیث شریفنده شوبله بیورلمش در ، (ان الله ورسوله انیان عنها) «الله» تعالی ایله رسولی مشاوره دن غنی درلر ، [ولکن الله جعلها رحمة لامتی لکن مشاوره اصولی ربم طرفندن اقمه اک بیوک بر عنایت ، اک مهم بردستور حکمت قلمش در . بویله قبول ایدنلی . هله بو آیتده بتون بتون صراحت وار : الله اجابت ایدرلر ، بش وقتنی قیلارلر . پشین حقوق الله رعایت ذکر اولونیور . رب العالمینه قارشى وظائفمن . البت اک بیوک امور مندر . هر درلو سلامت محضا آثار جود و کرم الهیسی در . مؤمن هر عنایتی الیه من بیلیر . هیچ بر نعمت خارج دکلددر . جناب حقک نعم والطفی محضا جود الهیسیله بزه واصل اولمقددر . واقما واسطه اولانلره ده حرمت و شکرده بولنق لازمدر ، [من لم یشکر الناس لم یشکر الله] ناسه شکرا یتمین الله ده شکرا یتمز . مادام که نعمت او واسطه الله کلدی ، اوکاده بورجلیسک تعظیم و احترامه . الذن کلدیکی قدر اوکا قارشى رعایت بورجلیسک . زیرا نعمتک قدرینی بیلک لازمدر . حقیقتده ویرن الله در . لکن ظاهرأ سکا کیدن کلدی ؟ فلانن . هاه اشته اوکاده شکر بورجلیسک . نصل که پدر و والده که تعظیم و حرمته ، شکر بورجلیسک . چونکه سبب حیاتدر . حالبوکه سبب ظاهری در ، انسانی خلق ایدن الله در . لکن آمانک ، بابانک حق بیوک . [وبالوالدین احسانا] بیورلمش . هر نعمت بویله در . واسطه به احترام ایتلی ، ایفای شکر و ثنایه چالیشلی یز . حالنه کوره او واسطه اولان کیسه به ، نه اولورسه اولسون ، مؤمن اولسون ، غیر مؤمن اولسون شکرا یتلی یز ... الله دیله رسه غیر مسلملره ده دین و دنیا منی تأیید ایدر . آنلری ده بو خدمتده قولالانلر . بوجهتله هر کیم بر امر خیره واسطه اولورسه ، سلامت عمومیه به وساطت ایدر ، خدمت ایلرسه شایان تقدیر اولور ، هر وجهله رعایت کسب استحقاق ایدر . زیرا بر کیسه نک قدرینی بیلک اوکا رعایتی استلزام ایلر . اصل مکافات مکافات اخرویه در . فقط دنیا به شان و شرفه مظهر اولمق ، اوده بیوک بر نعمتدر . [آتانی الدنيا حسنة و فی الآخرة حسنة] بیورویور . مسلمان اولمایانلری بیلله خیره آلترا ولد قلری ایچون ، انسانیته خدمت ایتدکلری ایچون مابعدی وار